

COMUN: **Incuntades dla popolaziun** cun l'ombolt, la junta y le consëi de comun
Lungiarü: domënia, 22 de novëmber, dales 9.15, tl salf dla scora.

Racoiüda dl refodam da tosser:

Lönesc, 23.11.2015: San Martin dales 8.30 ales 9.30 dan le magazin di stödafech

PLOANIES SAN MARTIN Y LUNGIARÜ

“**La poerté é plü daimpró co che te mines ince danter i mituns**” chësc é le tema che la Caritas diozejana nes mët a cör por chësta domënia. Aladô dla statistica provinciala é 18.000 mituns te Südtirol che vir tla poerté o che é dër daimpró da tomé ite. Chisc mituns á cotan de mëndres poscibilités da se svilupé, ai se stënta te scora y tla formaziun profesionala. Ai á ince na sanité cotan plü debbla co i atri y stënta da se ciáfé ite tla sozieté ciodich' ai se doda y sint ch' ai é atramënter, insciö stai da na pert y toma tla surité. Cun nosta spënorala ala Caritas orunse porté pro che la Caritas sciafies da daidé almanco olach' al é le plü debojëgn.

I ti diji n dilan fort ala Uniun di Èi y a düc chi che á trasporté i sac dal guant vere y che á daidé da i dejciarié y da i ciarié sö por l'asport.

Le Ploan

Tla dlijia de San Domëne a Balsan é en sabeda, ai 21 de novëmber, dales 20.00, na velia de oraziun por i jogh de döta la diozeja por s'arigné ca al De Mondial dla Jonëza a Cracau 2016. En domënia, ai 22, dales 10.00, é tla dlijia Regina Pacis na zelebraziun eucaristica cun le vicar general Michele Tomasi. Por i jogh, che se tol do n sach da dormí, é dala sabeda ala domënia la poscibilité da sté sura nôt te öna dles ploanies dla cité. Düc i jogh é bel inviá. Por chestiuns d'organisaziun vëgnel perié de se prenoté cun na e-mail a past.giov@bz-bx.net.

SAN MARTIN

Al vëgn indô dër bel perié de mëte i **libri da cianties y le saltier dles proches** sö por dlijia cun le spiné sura ia y, do mëssa, de mëte les zetoles gnüdes partides fora indô fora insom proca. Al vëgn perié de ti al dí ince ai mituns da scora. La dlijia ciarass fora insciö plü bel ordinada. Präibel y dilan.

LUNGIARÜ

Incö domënia, ai 15 d'otober, é do la gran mëssa döta la comunité inviada ia tl salf dl paisc a na **fiesta de reconescënza di sorvise che vëgn fac tla ploania**.

L'Accademia Arte della Diversità – Teatro la Ribalta é indô tla Val Badia, chësc iade sön invit de Aterteater cun le toch **Personaggi/Personen** en jöbia, ai 19 de novëmber dales 20.30 tla Ciasa dla Cultura a La Ila. (al é na compagnia teatrala profesionala metüda adöm da aturs y aturies cun y zënza handicap)

En dedolönesc ai 17 de novëmber, dales 20.00, é tla biblioteca dl Istitut Ladin a San Martin na incuntada sön „**Anna Frank** – una storia attuale“, de na jona sciampada dai nazisc, gnüda conesciüda por so diare.



www.valbadiaonline.com

Plata dles Ploanies San Martin y Lungiarü



www.unitepastorala.org

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194


15.11. - 22.11.2015 nr. 51

termo da publiché: jöbia 20.00
radio: 90,40 / 93,70

33ª DOMËNIA IA POR L'ANN B

Vangele: Merch 13,24-32

Te chël tēmp ti à Gejù dit a sù discepu:
En chi dis, do la gran tribulaziun,
s'ascurará sorëdl y la löna
y les stères tomarà dal cil,
y les forzes dl cil gnarà scassades decà.
Spo odaran le Fi dl Om gnon sön les niores
cun gran potënza y gloria.....
Avisa insciö desses os conësce,
canch'i odëis sozedon dötes chëstes cosses,
che la fin é dan porta. Amen, i ves diji:
Chësta generaziun ne passarà nia
cina che döt chësc ne sozed.
Mo chël dé y chë ora ne conësc degügn,
gnanca i agnui tl cil, y gnanca le Fi, mâ le Pere.



*sorëdl, löna y stères se destodará
mo al lominará sura nos le Ressorì*

*Gejù gnará indô; chësta é la noela de chësta domënia.
Coche al gnará, chël ne savunse nia. Sté a spicolé é por püch.
Mo la fin de chësc monn y le scomenciamënt dl monn nü de Dî
é la noela prinzipala de chësc vangele.
Ara é n avertimënt y deboriada ince na consolaziun.*

*L'avertimënt sona insciö: Ne stede a ves desmentié, pro dötes ostes bries,
che ala fin sarál na valutaziun.
Y la consolaziun sona anfat: Al sará na valutaziun ince por chi che á messü vire
da sotvalutá.
Chël Bel Dî dará na valutaziun sura döt, zënza ne n'ess la fede y la vita degun
significat.
Valur y na valutaziun sciafia ma da avëi les cosses che á na fin.
Chël che ti á dé l'esistënza a chësc monn, le lasciará ince rové a na fin.
Y al fajará varëi so monn nü, le paraisc, l'amur zënza fin.*

	SAN MARTIN		LUNGIARÜ
15.11.15 33^a Domënia ia por l’ann B <i>Domënia dla Caritas</i>	9.00 Corona 9.30 Gran Mëssa dla comunité <i>Oferta por la Caritas</i>	15.11.15 Domënia	7.55 Corona 8.15 Gran Mëssa dla comunité por i benefaturs y chi che fej n sorvisc <i>Oferta por la Caritas</i>
16.11.15 Lönesc <i>Margareta, Otmar</i>	20.00 Cërtrl dla Bibla te calonia	16.11.15 Lönesc	20.00 Cërtrl dla Bibla te calonia a San Martin
17.11.15 Dedolönesc <i>Florin daMatsch, Gertrud</i>	15.00 Mëssa a Bioch ++ de Franz Planatscher + Frida Prada vis y ++ de Franz Verginer, Chessl	17.11.15 Mertesc	
18.11.15 Dedemesaledema <i>Segra dles basiliches</i> <i>de San Pire y San Paul</i>		18.11.15 Mercui	7.50 Mëssa di scholars vis y ++ familia Dapoz + siur Heinrich Videsott de rengraziamënt + + de Benedict y Franzisca Clara
19.11.15 Jöbia <i>Elisabeta da Thüringen, David,</i> <i>Matilda</i>	7.30 Mëssa di scholars + + Ida y Helmut Deiacó + + de Burgl Clara + Hermann Costabiei da Porsenú + + Costabiei Corona por vocaziuns	19.11.15 Jöbia	
20.11.15 Vëndres <i>Bernward, Edmund</i>	19.00 Adoraziun chîta 19.30 Devoziun eucaristica	20.11.15 Vëndres	7.30 Mëssa familia de Berto Clara + + + Albino, Sabina y Davide Daporta + + Mariangel y Iudita Clara
21.11.15 Sabeda <i>Santa Maria da Ierusalem, Gelase</i>	15.30 Mëssa tla Ciasa de Palsa 18.30 Mëssa prefestia vis y +++ de Ida Moling + Maria Unterweger + + dla familia Frenner Lovara	21.11.15 Sabeda	20.00 Mëssa prefestia 2 ^a de sopoltöra de Scimun Mischi + + + Iaco, Veneranda, Ida Clara + + de Clemente Clara, Oriana dl ann + Emma Pezzei dl ann + Anni Schanung Clara
22.11.15 FESTA DE CRIST RE - B <i>Santa Zezilia</i>	9.30 Mëssa solëna dla comunité dedô <i>inviëia le cor de dljia dōta la comunité</i> <i>ia tl gran salf a sté adôm pro cianties,</i> <i>onoranzes y n bufett</i>	22.11.15 Domënia	7.55 Corona 8.15 Mëssa solëna dla comunité